



e-mail: xxi_asr@gmail.uz



4-MART
2021-YIL
9 (903)

web sayt: www.21asr.uz

@XXIasrofficial

ASR

IJTIMOIIY-SIYOSIIY GAZETA

Мухтарама онажонлар, мунис ва дилбар опа-сингиллар, гўзал, фусункор айёмингиз муборак бўлсин!



Жараён

Сиёсий ўқувлар давом этмоқда

XXI ASR Хабардорсиз, шу йлнинг 2 феврида Президентимиз Шавкат Мирзиёев мамлакатимиздаги сиёсий партиялар раҳбарлари, фаоллар билан учрашганди. Вақт эса тўхтаб тургани йўқ, бир киприк қоққунча, қарангки, бир ой ўтиб кетибди. Хўш, гоёт самимий руҳда кечган ушбу очиқ мулоқот чоғида партияларнинг жамиятимиз сиёсий-ижтимоий ҳаётидаги ўрни ва ролини яна қандай йўللар билан ошириш, айниқса, уларнинг жамоатчилик ўртасидаги обрў-эътиборини кучайтиришга оид таклиф ва белгилаб берилган вазифалардан қандай хулосалар чиқарилляпти?

Шиддат билан давом этаётган жараёнларда партиялар, уларнинг минг-минглаб аъзолари, электорат вакилларининг сиёсий фаоллиги сезилляптими? Партиядан сайланган парламент ҳамда маҳаллий кенгашлар депутатларининг сиёсий саводхонлигини қандай ошириш керак?

Аввало, Президентимиз билан ўтказилган тарихий учрашувда белгиланган долзарб вазифалар ижросини таъминлаш ҳамда юқоридаги ҳаётий саволларга жавоб топиш мақсадида O'zLiDeP Сиёсий Кенгаши Ижроия кўмитаси томонидан жалб этилган малакали профессор-ўқитувчилар, сиёсатчи олимлар иштирокида ҳудудлардаги барча олий таълим муассасаларида



партиялар вакиллари ва маҳаллий кенгаш депутатлари, фаоллар учун сиёсий ўқув машғулоти ўтказилмоқда.

Қизғин баҳс-мунозаралар руҳида

ўтаётган бундай тадбирларда қатнашаётганлар олган назарий билимларини ўз тажрибаларидан келиб чиққан ҳолда амалиёт билан уйғунлаштиришга ҳаракат қиладилар.

Ўқув машғулоти давом этмоқда.

УШБУ СОНДА:

ЯККАБОҒДА ТАДБИРКОРЛИК НЕГА РИВОЖЛАНМАЯПТИ?



3

ЧИМЁН ҲАҚИҚАТЛАРИ

Фарғонада тўпланган юз чоғли журналист ОАВ тақдирига сиз қатор масалаларга қандай ечимлар излашди?



4

ЭЛЕКТРОН ТИББИЁТ

ҚОҒОЗБОҒЛИККА НАВБАТЛАРГА ЧЕК ҚўЯДИМИ?



9

ДАБДАБА ВА ДАБДАЛА

Президент келмагунча муаммоларимиз ечилмайдими? Қачонгача томошабин бўлиб ўтирамиз?



11

ПУЛ ТОПИШ ҚИЙИН,

ақл топиш унданам қийин



12

Ўз мухбиримиз

Сураатда Андижон давлат университетидеги сиёсий партиялар, маҳаллий кенгаш депутатлари ва ОАВ вакиллари учун ўтказилган сиёсий ўқувлар жараёни акс этган.

Лицензия ва рухсат этиш

айни хусусиятга эга ҳужжатни бериш ёки рад қилиш мuddати неча иш кунидан ошмаслиги керак?

Олий Мажлис Қонунчилик палатасидаги O'zLiDeP фракциясининг навбатдаги йиғилиши бўлиб ўтди.

Унда дастлаб "Ўзбекистон Республикасининг айрим қонун ҳужжатларига ўзгартиш ва қўшимчалар киритиш тўғрисида"ги қонун лойиҳаси муҳокама қилинди.

Таклиф этилаётган қонун лойиҳасида амалдаги қонунларда мавжуд тушунчаларни, қурол турлари ва уларнинг ҳуқуқий маъноси "Қурол тўғрисида"ги қонунга мувофиқлаштириш, қурол ва унинг ўқ-дорилари муомаласи давлат томонидан тартибга солиниши ва назорат амалга оширилиши вазифаларини Миллий гвардиядан ички ишлар органларига ҳуқуқий жиҳатдан ўтказилишини таъминлаш назарда тутилмоқда.

Қонун лойиҳасини тайёрлашда қурол муомаласи соҳасидаги хорижий тажриба, хусусан, Россия, Беларусь, Қозғоғистон, Украина, Озарбойжон, Молдова, Латвия, Грузия ва бошқа бир қатор давлатларнинг қурол муомаласи соҳасидаги қонунлари ўрганиб чиқилган ҳамда республикадаги қонунчилигига мос келадиган нормалар қисман иноватга олинган.

Депутатларнинг айтишича, мазкур ҳужжатнинг қабул қилиниши қурол эгаларининг ҳуқуқлари ва манфаатлари тўлиқ тарзда рўйб-га чиқарилишига, уларнинг қурол муомаласи соҳасидаги тартиб-қоидаларга риоя этилишидаги масъулияти оширилишига, шунингдек, уларни бузганлик учун жавобгарлиги аниқ белгиланишига хизмат қилади.

Республикада агро-саноат кластерлари қишлоқ хўжалиги маҳсулотини ишлаб чиқаришнинг янги тармоғи ҳисобланиб, бугунги кунда ушбу соҳадаги қонун ҳужжатларини кўллаш амалиёти, соҳани ҳуқуқий жиҳатдан тар-



тибга солишга салбий таъсир кўрсатаётган нуқсонлар, зиддиятлар ва қонун ҳужжатларининг самарадорлигига таъсир этувчи сабаблар, шароитлар етарлича ўрганилмаган.

Шу сабабли келгусида қонун ҳужжатларини кўллашда зиддиятлар ва бўшлиқлар келиб чиқилишининг олдини олиш мақсадида мазкур муносабатларни тартибга солиш заруратини атрофлича ўрганиш ва таҳлил қилиш талаб этилади. Чунки дунёдаги илғор давлатлар иқтисодийётининг қарийб 50 фоизи кластер усулига ўтган бўлса-да, ҳалигача улар фаолиятини тартибга солиш нормаларини ўз ичига олган қонунлар қабул қилинмаган.

Халқ вакиллари "Қишлоқ хўжалиги кооперацияси тўғрисида"ги қонун лойиҳасини кўриб чиқар экан, унинг қабул қилиниши қишлоқ хўжалигида кооперация муносабатларини шакллантиришнинг ҳуқуқий асосини яратиш, кооперативлар фаолиятини ривожлан-

тириш, шунингдек, хўжалик субъектлари учун муносабатларни муфассал ҳуқуқий тартибга солишга ёрдам беришини таъкидладилар.



– Кластер бу – уруғни ерга қадашдан бошлаб, ундан юқори ва қўшимча қийматли маҳсулот ишлаб чиқариш, тайёр маҳсулотларни ички бозорга ва экспортга йўналтиришга бўлган ишларни бирлаштирувчи тизим, – деди **Олий Мажлис Қонунчилик палатасидаги O'zLiDeP фракцияси раҳбари Ақтам Хаитов**. – Бугун дунёнинг кўп давлатларида бу тизим кўлланаётгани бежиз эмас.

Нега деганда, мазкур янги тизим деҳқонларимиз, аграр соҳа вакиллари янги замонaviй услубда ишлашни ўргатди. Ҳосилдорлик, даромадни оширди. Ҳозир амалиёт кластер тизими аграр соҳанинг истиқболи эканлигини кўрсатаётган экан, бу борада "Қишлоқ хўжалиги кооперацияси тўғрисида", "Агрокластерлар тўғрисида"ги қонунларни қабул қилиш айна мuddаодир.

Фракция аъзолари қишлоқ хўжалиги кооперативи аграр секторда тадбиркорлик фаолияти, шу жумладан, ишлаб чиқарувчидан якуний истеъмолчигача бўлган тизимни такомиллаштириш учун дастак ҳисобланишини айтиб, қонун

беришга оид статистик услубиёт моддаси алоҳида модда сифатида киритилди.

Муҳокамалар давомида депутатлар томонидан лойиҳани пишиқ-пухта ишлаш бўйича билдирилган таклиф ва тавсиялар иноватга олиниб, узоқ тортишув, баҳс-мунозаралардан сўнг қонун лойиҳаси иккинчи ўқишда қўллаб-қувватланди.

Йиғилиш кун тартибидаги кейинги масала – "Лицензиялаш, рухсат бериш ва хабардор этиш тартиб-таомиллари тўғрисида"ги қонун лойиҳаси бўлди.

Мазкур қонун лойиҳаси жорий йилнинг 13 январь куни Олий Мажлис Қонунчилик палатаси томонидан биринчи ўқишда қабул қилинган эди. Лойиҳани янада такомиллаштириш ва уни иккинчи ўқишга тайёрлаш жараёнида тўққиз мартаба ишчи гуруҳ йиғилиши, бир мартаба фракциялараро дебат ҳамда Адлия вазирлигида Марказий банк ва Жаҳон банкининг вакиллари иштирокида йиғилиш ўтказилди.

Лойиҳада талабгорларнинг муружаатларини ваколатли орган томонидан кўриб чиқиш, лицензия ва рухсат этиш хусусиятига эга ҳужжатни бериш ёки рад қилиш мuddати 30 иш кунидан ошмаслиги кераклиги белгиланмоқда. Бунда, амалдаги "Фаолиятнинг айрим турларини лицензиялаш тўғрисида"ги қонуннинг 16-моддасига асосан, лицензия даъвогарининг аризасини барча зарур ҳужжатлар билан бирга олган кундан эътиборан 30 иш кундан ошмаган мuddат ичида лицензияловчи орган лицензия бериш ҳақида ёки беришни рад этиш тўғрисида қарор қабул қилиши лозимлиги белгиланган.

Депутатлар қонун лойиҳасининг қабул қилиниши лицензиялаш ва рухсат бериш тартиб-таомилларини тубдан такомиллаштириш, мамлакатда ишбилармонлик ва инвестиция муҳитини янада яхшилашга хизмат қилишини иноватга олиб, уни маъқуллашди.

Йиғилишда фракция ваколатларига кирувчи бошқа масалалар ҳам муҳокама қилиниб, тегишли қарорлар қабул қилинди.

Нурхон ЭЛМИРЗАЕВА,
"XXI asr" мухбири





О'zLiDePнинг "Депутатлар ва тадбиркорлар мулоқоти форуми"
лойиҳаси доирасидаги тадбирлар тизимли тарзда давом этяпти. Яқинда партия Қашқадарё вилоят ҳамда Яккабоғ туман кенгашлари ҳамкорлигида ўтказилган мулоқотда ҳусудий секторни қўллаб-қувватлаш масалалари атрофлича муҳокама қилинди.

Тадбирда маҳаллий кенгашлардаги депутатларимиз, шунингдек, Ўзбекистон Республикаси Бош вазирининг Тадбиркорлар мурожаатларини кўриб чиқиш қабулхонаси туман бўлими, давлат хизматлари агентлиги, "Халқ банки" АТБ туман филиали, Иқтисодий тараққиёт ва камбағалликни қисқартириш вазирлиги туман бўлими ва бошқа ташкилотлар вакиллари, тадбиркорлар, ўз бизнесини бошлашга иштиёқманд ёшлар иштирок этишди.

– Давлатимиз раҳбари тадбиркор йўлига тўсиқ бўлиш давлат сиёсатига хиёнат эканлигини бот-бот таъкидламоқда, – деди партия вилоят кенгаши масъул ходими Аъзам Сағдуллаев. – Афсуски, барча амалдорлар ҳам бу фикр мазмун-моҳиятини тушуниб етмаяпти. Жорий йилдан эътиборан тадбиркорларни қўллаб-қувватлашга қаратилган талай чора-тадбирлар қаторида "Жамоатчилик эшитувлари" ва "Жамоатчилик мониторинги" тизимлари ҳам амалга татбиқ қилинади. Биз ислохотларда фаол қатнашимиз, юзага келаётган имкониятлардан оқилона фойдаланишимиз зарур.

Мулоқот мобайнида қўллаб тадбиркорлар ўзлари дуч келаётган муаммолар хусусида гапирдилар.

Гуллола Шоймардонова туманда биринчилардан бўлиб хусусий мактабгача таълим муассасаси очган, оналар дуосини олган тадбиркор. Эндиликда у давлат-хусусий шериклиги асосида мактаб барпо этиш ҳаракатида. Бироқ унга ер ажратилиши

Яккабоғда тадбиркорлик нега ривожланмаяпти?



пайсалга солиняпти. Ёш тадбиркор Суҳроб Жалолов иссиқхона қуриш учун молиявий кўмакка муҳтожлигини билдирди. Унинг банкларга мурожаатлари жавобсиз қолаётди. Баҳром Ҳўжақулов болалар ўйингоҳи қуриш ниётида. Аммо ер ололмапти. Элдор Каримов ҳам банкдан кредит олишга муваффақ бўлса, ўз тадбиркорлигини йўлга қўймоқчи эканини айтиб, мутасаддилардан кўмак сўради.

– Нурафшон маҳалласида яшовчилар учун замонавий ҳаммом қурдим, – дейди "Кеш қурилиш дизайн" масъулияти чекланган жамият раиси Шохрух Жабборов. – Аммо тумангаз филиали ҳаммомни табиий газ тармоғига улашмига тўсқинлик қилмоқда. Менга газ берилмаса, шунча қилган меҳнатим, харажатларимга қўйиб қоламан. Катта кредит олганман. Ҳар ойда 55 миллион сўм тўлашим керак. Бу

етмаганидек, қўл учиди иш қияпти. У тиклаган иссиқхоналар оддий талабларга ҳам жавоб бермайди. Айтайлик, қор кўп ёққанда баъзи иссиқхоналар қулаб тушди. Агар кредит бевосита тадбиркорга



аҳволда тадбиркорлик ривожланадими?

– Тумандаги таниқли ишбилармонларни бармоқ билан санасангиз, бармоқларингиз ортиб қолади, – деди О'zLiDeP Яккабоғ туман кенгаши раисининг биринчи ўринбосари, аппарат раҳбари Маҳмадали Қулбулов. – Шундай, туманимизда тадбиркорлик кенг қулоқ ёзяпти, деб айтолмаймиз. Бинобарин, эндигина иш бошлаётган ёш тадбиркорларга беминнат, астойдил ёрдам беришимиз, ҳар бирига ўз фарзандимиздек муносабатда бўлишимиз зарур. Бироқ айрим мутасаддилар аксинча иш тутаяпти. Бир мисол: туманимиздаги коллеж битирувчиси

иссиқхона қуриш учун банкдан кредит сўрайди. Унга сармоя ажратилади, лекин маблағ ёш тадбиркор ҳисобига эмас, таъминотчига ўтказилади. Таъминотчи эса қуришга анча қиммат нарх белгилагани

ни ҳақида ҳужжат топширди. Бу "Ўзбекистон-24" каналида намоиш қилинди. Аммо у қозғоларни ҳокимликка олиб борганида унинг устидан қурилиш – ҳужжат сохта экан! У яна шикоят ёзди. Мутасаддилар билан 7 йил тортишди. Ниҳоят, унга ташландиқ, овлоқ бир жой тегди. Бошқа бир қассоб одам эса бир кунда каттагина жойни ўз номига расмийлаштириб олди. Кейин ерни одамларга бўлиб-бўлиб сотди ҳам.

Яна бир мисол. Амир Темури номидаги собиқ ширкат хўжалигининг трактор саройи ҳудуди 4 гектарни эгаллаганди. Туманининг аввалги раҳбарлари бу ерни тадбиркорлик қилиш учун деган ҳужжат асосида фуқароларга тарқатишди. Ҳозир мазкур катта майдонда фақат биттагина фуқаро ишбилармонлик билан шугулланяпти. Қолган жойга одамлар уй қуриб олган. Шу атрофдаги қишлоқлар йигитлари эса Россияга иш излаб кетишяпти.

– Мулоқот чоғида тилга олинган муаммолар мутахассислар томонидан ўрганилиб, тадбиркорларга тегишли тавсия ва йўл-йўриқлар берилди, – дейди Бош вазирининг Тадбиркорлар мурожаатларини кўриб чиқиш қабулхонаси туман бўлими мудир Шукрилло Рўзибоев. – Ҳар бир тадбиркор биттадан депутат бириктирилади. Бундан ташқари, вилоят, республика даражасида ҳал қилиниши лозим муаммолар рўйхатга олиниб, тегишли вазирликларга депутатлик сўровлари юборишга келишилди. Мулоқотда қатнашган 30 дан зиёд ёш тадбиркор ер, кредит, электр ва табиий газ тармоқларига уланишда кўмак сўради. Давлат ва нодавлат ташкилотлари уларни қўллаб-қувватлаш борасида ҳамкорлик қиладилар.

Сайфулла ИКРОМОВ,
"XXI asr" мухбири

"Сизларга ишонса, сўянса бўлар экан" ...



Жиззахлик тадбиркор Фулом Эргашевга тегишли бу гап О'zLiDeP электоратининг умумий эътирофидир.

Илгари "партиялар фақат сайлов пайти ишлайди, бошқа вақт уларнинг бор-йўқлиги билинмайди" қабилидаги мулоҳазалар кўпгина давраларда такрорланарди. Ҳозир бундай танқидлар сезиларли равишда камайган. Боси нафақат депутатлар, балки партия марказий аппарати ходимлари ҳам аксарият ҳолларда сайловчилар ҳузурда бўлиб, мавжуд муаммолар ечимини топишга ҳаракат қиляпти. Сўзимиз

исботи сифатида қатор мисолларни келтириш мумкин.

Хусусан, О'zLiDeP Сиёсий Кенгаши Ижроия кўмитаси масъул ходими Самидулло Маҳмудов, Жиззах вилоят ҳудудий партия ташкилоти мутахассисларидан иборат ишчи гуруҳ Жиззах шаҳри, Дўстлик ва Шароф Рашидов туманларидаги тадбиркорлар, фермер ва томорқа ер эгаларининг мурожаатларини жойида ўргандилар. Эътиборли томони, мурожаатларнинг салмоқли қисми ишчи гуруҳ аралашувидан кейин ижобий ҳал бўлди.

Мисол учун, "GOLD TEXTIL" МЧЖ раҳбари Фулом Эргашев Дўстлик туманидаги "Қахрамон" МФЙ ҳудудида 120 иш ўрнига эга бўлган текстиль фабрикасини қуриш ва зарурий дастгоҳлар билан таъминлаш учун АТБ "Қишлоқ

Қурилиш банк" Жиззах вилоят филиалига 70 минг АҚШ доллари миқдорида кредит олиш учун ҳужжатларини тақдим қилган. Лекин икки ой давомида "отанга бор, онанга бор" тарзидаги иш услубидан чарчагач, О'zLiDeP Жиззах вилоят Кенгашига мурожаат қилган.


Мазкур мурожаат юзасидан ишчи гуруҳ аъзолари АТБ "Қишлоқ қурилиш банк" Жиззах вилоят филиали мутасаддилари билан учрашиб, муаммони атрофлича муҳокама қилдилар. Тушунмовчиликлар ўша куниёқ бартараф этилиб, кредит маблағи ажратилган бўлди.

– О'zLiDeP чиндан амалий ишлар партияси эканига яна бир бор амин бўлдим, – дейди "GOLD TEXTIL" МЧЖ раҳбари Фулом Эргашев. – Турли муам-

молару мутасаддиларнинг сансалорлиги қийнамаса, тадбиркор ишлашдан, ҳаракат қилишдан, яратувчанликдан чарчамайди, янги иш ўринлари очишдан тўхтамайди. Ишбилармонлар манфаатларини ҳимоя қилишда жонбозлик кўрсатаётган партия фаолларига раҳмат.

Ишчи гуруҳ аъзолари учрашувлар давомида тадбиркорлар, фермерлар ва томорқа ер эгалари томонидан қилинган бошқа мурожаатларни ҳам жиддий таҳлил қилдилар. Уларнинг кўпчилиги жойида ечилган бўлса, бошқаларига депутатлик сўровлари чиқарилиб, ижроси назоратга олинди.

Холмат Тўраев,
О'zLiDeP Жиззах вилоят
Кенгаши сиёсий таълим
маркази раҳбари



Абдусайд Кўчимов:

*Бир кун пиёдалисиз, бир куни ролда,
Тонгда шаҳардасиз, кечқурун чўлда,
Умрнинг ярмиси ёмғирда, дўлда,
Ярмиси тўшалиб ётибди йўлда,
Элим деб, юртим деб ёнган жонларим,
Журналист дўстларим, қадрдонларим!*

ПРЕЗИДЕНТ КЎРГАН МАНЗИЛЛАРДА

Чимёнда Ўзбекистон Журналистлари ижодий уюшмаси ва унинг вилоят бўлими ташаббуси билан тўққизинчи бор анъанавий тарзда ўтказилган ушбу медиафорумда Қорақалпоғистон Республикаси ҳамда мамлакатимизнинг барча вилоятларидан вакиллар қатнашди. Бу ўзига хос тадбир дастури доирасида иштирокчилар дастлаб Фарғона вилоятидаги кўзга кўринган тадбиркорлик субъектлари фаолияти билан яқиндан танишдилар. Эътиборли жиҳати, бу замонавий корхоналардан айримлари номини ёзсак, бирданга, э, Президент ташриф буюрган номдор жойлар-ку, ташкилотчиларга балли, қаламқашлар учун минг марта эшитгандан кўра, ўз кўзлари билан кўрганлари гўзал иш бўлибди-да, дейишингиз табиий. Шу маънода Марғилон шаҳридаги Рақамли технологиялар марказида бўлиб ўтган ҳамда Олий Мажлис Сенати аъзоси, доврўғи баланд тадбиркор-хунарманд Иброҳимжон Султонов раҳбарлик қилаётган Хунармандлар марказида кечган суҳбатлар ажиб таассуротларга бой бўлди. Айниқса, 400 дан ортиқ иш ўрни яратилган Хунармандлар марказидаги эртақнамо манзарани кўрган одам шошиб қолади. Дунёга маълуму машхур Марғилон атласи, ипакли адрас, сатин, шойи, аъло бахмал каби табиий ипақ матоларга турли усуллар билан безак бериш жараёнларини таърифлашга сўз ожиз.

Асли касби шифокор бўлган, айна пайтда эса хорижликлар орасида ҳам доврўғ таратаётган ишбилармон замондошимиз, O'zLiDeP фаолларидан бири Абдурахмон Ниёзов бошчилигидаги "Fergana stone paper" кўшма корхонаси жуда қисқа муддат, яъни 8 ой ичида хитойликлар билан бирга ташкил этилди. Худди шу корхонага давлатимиз раҳбари келиб, тошдан, ҳа-ҳа, айнан тошдан қоғоз ишлаб чиқарилаётгани учун тадбиркорга улкан омадлар тилаган эди. Бундан руҳланган ишчи-хизматчилар шу кунларда янада улканроқ режа-

ларни рўёбга чиқармоққа интилишаётганини форумга келган журналистларга тўлқинланиб сўзлаб беришди.

Бу йил 14 октябрда чоп этила бошланганига 104 йил тўладиган "Фарғона ҳақиқати" газетасидаги ижодий муҳит билан танишганларнинг ички ҳайратлари бир дунё. Сабаби аёнки, ҳатто манаман деган республика миқёсидаги газета ё журналда ҳам бу ердагидек шароит йўқ ҳисоби. Бугунги замонавий талабларга мос равишда ҳафтада икки марта 11 мингдан ортиқ нусхада босилаётган бу нашрга кўпчилик ҳавас, айримларнинг эса ҳасад билан қарашиям чин. Вилоят ҳокимлиги муассислигидаги



"Фарғона ҳақиқати"даги ижодий муҳит, яратилган шароит, алоҳида бино, теша тегмаган мавзулар, бот-бот босилиб турган танқидий мақолаларга Фарғона ҳокими Хайрулла Бозоровнинг ҳам муносабати ижобий. Бизнинг "Хўш, жаноб Обидов, ходимларингиз, сир бўлмаса, қанча ойлик маош олади?" деган саволимизга у киши кулимсираб, ана ўзларидан сўранг, мен баъзи мақтанчоқларга ўхшаб, сал ошириб айтворсам, хафа бўлади, деб кўйди. Сал илгарироқ республика даражасидаги номдор агентликда шов-шувли мақолалари билан танилган ва бугун ушбу тахририятнинг олд журналистларидан бири Севара Алижоновга юзланамиз. "Ҳаммамизнинг ишга келиб кетишимиз учун иккита машина ажратилган, бепул тушлик, йилда 8 марта устама мукофот, аёллар учун 7 соатлик иш куни, ойлиқми, энг ками уч миллиондан бошланади, қолганини ҳисоблайверинг. Тошқондаям бунча рағбатлантириш йўғиди"...

ЧИМЁН

ёхуд Фарғонада тўпланган оид қатор масалаларга




ЖУРНАЛИСТЛИК КАСБИ ЁКИ ТАҚДИР ТОШИМИ?

Ростданам шундай бўлади. Аввалги саккизта медиафорумда ҳам жиддий баҳс-мунозаралар, тортишувлар шу тарзда бошланган. Журналист халқининг феъли галати. Ҳадеганда сиркаси сув кўтармай қолади, баъзида йўлбарс юракка, баъзида эса қуёнюралка айланади. Лекин ҳар қандай замонда ҳам маддоҳлик, тарафкашлик, мурасозлик обрў келтирмаслигини биладиганлар халқ назарига тушган, аксинча, боридан айрилган ҳам.

Медиафорумнинг онлайн мулоқотида қатнашган "Америка овози" ахборот агентлиги (АҚШ) муҳбири Навбахор Имомова таъкидлаганидек, бугун Ўзбекистон матбуотида тоза ҳаво кириб келаётгани рост. Ва бу қай кўринишда давом этишини ҳали башорат қилиш мушкул. Айниқса, исталган вазиятда журналист прокурор, адвокат ё судьялик қилишга ҳаққи йўқ. У ҳеч қачон бирор тараф манфаатига хизмат қилмаслиги керак. У ҳолис, ошқора, оғмасдан ишлаши лозим.

Айниқса, кейинги пайтларда халқимиз ишончини қозонишга ҳаракат қилаётган "Дунё ўзбеклари" интернет-газетаси бош муҳаррири Исмаил Хушевнинг эътирофи қилишича, бундай нуфузли тадбирлар, айтиш мумкинки, дунё ОАВларини қийнаётган муаммолар муҳокама қи-

линаётган машваратларга бир пайтлар қора парда тортилган ахборот воситаларининг қатнашиши жиддий ўзгаришлардан нишона. Буларнинг бари Ўзбекистон ҳукуматининг очиқ-



лик, сўз эркинлигини таъминлашга интилаётганидан далолат беради десак муболага бўлмас.

Қарийб бир ҳафта давом этган анжуманда "Би-би-си" ва бошқа хорижий ОАВлар, шунингдек, Ўзбекистон журналистика ва оммавий коммуникациялар университети ректори, Халқроқ пресс-клуб раҳбари Шерзодхон Қудратхўжа, ЎЗА миллий ахборот агентлиги бош директори Абдусайд Кўчимов, парламент депутати, таниқли адиб, мураббий Хуршид Дўстмуҳаммад, Қорақалпоғистон Республикаси Журналистлар ижодий уюшмаси раиси, Ўзбекистонда хизмат кўрсатган журналист Кенгесбай Реймов ҳамда қатор республика марказий газеталари бош муҳаррир-

“Шўртан Газ Кимё мажмуаси”

масъулияти чекланган жамияти

Мунис Ва меҳрибон опа-сингиллар!
Барчангизга

**Халқаро хотин-қизлар
байрами**

муборак бўлсин!

Мана шу ёруғ, гўзал оламни
янада фусункор Ва латофатли
қилиб турганингиз учун
сизга ташаккур!

Барчангизга оилавий хотиржамлик,
хонадонларингизга тинчлик,
файзу барака тилаймиз.

Март



"ДЕНҚОНОВОД КАЛИЙ ЗАВОДИ"



Uzkimyosanoat
АКЦИЈОРЛИК ЖАМИАТИ

Қутлуз баҳор айёмига мунис оналаримиз, қадрли она-сингилларимиз,
сулув қизларимизни ўзлари кади гулбар байрам –

Халқаро хотин-қизлар кун

билан самимий муборакбод этамиз.

Барчангизга чуқур ҳурмат-эҳтиром ва эзгу тилақларимизни йўллаймиз!

Ўқбонгиз баланд, умрингиз узок, рузқу насибонгиз зиёда бўлсин!



Ноиблик ва тадбиркорлик – бир-бирига қўшқанот

Ибрат

ASR

Президентимиз айтганидек, тадбиркор нафақат ўзини ва оиласини, балки халқни ҳам, давлатни ҳам боқади. Дарҳақиқат, шундай. “Бухоро дори-дармон” масъулияти чекланган жамияти фаолияти бунга ёрқин мисол бўла олади.

Мазкур хусусий корхона 317 нафар кишини иш билан таъминлаб турибди. Неча ўнлаб дорихоналарга маҳсулот етказиб берилади, ҳамкор тузилмаларни, худуддаги тиббиёт бозорини ҳаракатга келтирилади. Аҳоли муайян эҳтиёжини қондиришга ҳисса қўшади. Давлатга солиқ тўлайди. Корхонанинг жамиятга фойдаси фақат шу сингари омиллардангина иборат бўлиб қолмаётгани ҳам алоҳида таҳсинга лойиқ. Унинг раҳбари – Дилмурод Ахатов халқ ишончига сазовор бўлгани бежиз эмас. Демокримизки, у ўтган



сайловларда халқ депутатлари Бухоро шаҳар Кенгашига депутат этиб сайланган.

Пандемия туфайли жорий этилган карантин даврида корхонада вилоятдаги даволаш муассасалари ҳамда профилактика учун мўлжалланган, умумий қиймати қарийб 5 млрд. 126 млн. сўмлик дори-дармонлар захираси вужудга келтирилди. 200 дан ортиқ ижтимоий дорихоналарга етказиб берилган маҳсулотлар эса ўтган

йилнинг ноябрига қадар аҳоли талабини қондириш имконини берди.

Карантин чекловлари кучайтирилган пайтда бутун мамлакатимиз бўйлаб “Саховат ва кўмак” умумхалқ ҳаракати кенг қулоч ёзди. Албатта, “Бухоро дори-дармон” МЧЖ ҳам хайрли, савобли ишлардан четда тургани йўқ. Муҳтожларга 400 тадан ортиқ дори жамланмалари, 10 мингдан зиёд тиббий ниқоблар тарқатилди, умуман, шу сингари

эзгу амалларга корхона ҳисобидан деярли 34 миллион сўм сарфланди.

Хитойдаги заводларнинг бири билан термометрлар ва Украинанинг “Индар” компанияси билан гепарин етказиб бериш бўйича тузилган, баҳоси 245 минг АҚШ долларига тенг шартномалар ҳам вилоятда хавфли инфекцияларга қарши курашда ўзига хос аҳамият касб этди.

Вилоят дорихоналаридаги нарх-наво аҳолига мақбул бўлишини корхона масъул ходимлари давлатимиз раҳбарининг тегишли қарорига асосан доимий назорат қиляпти. Юрдошларимизга қулайлик яратиш мақсадида Галасий шаҳри, Қоровулбозор тумани ва бошқа жойларда замонавий дорихоналар қуриляпти. Энг чекка, олис худудларда эса кўча дорихоналар хизмати пухта йўлга қўйилган.

Дилмурод Ахатов Бухоро шаҳрида “Сармен



plus” хусусий клиникасини ҳам ишга туширди. Бу ерда ҳозир 120 нафар шифокор ва ҳамшира меҳнат қиляпти. Ҳатто қўшни давлатлардан ҳам одамлар шифо истаб келаётгани мазкур тиббиёт масканидаги хизматлар сифати нечоғли юксак эканидан дарак бериб турибди.

Дилмурод Ахатовнинг депутат сифатидаги фаолияти ҳам ибратлидир. Унинг саъй-ҳаракати билан Бухоро шаҳрининг Ширбудин кўчасига тунги ёриткичлар ўрнатилди. “Абдухалиқ Фиждувоний” МФЙ худудидаги айрим йўллар таъмирланяпти, электр таъминотидаги узилишлар бартараф этиляпти, канализация

тизимидан фойдаланиш йўлга қўйилди. Ноиб ўз сайлов округида жойлашган маҳаллалардаги эҳтиёжманд оилаларни моддий жиҳатдан қўллаб-қувватляпти. “Бухоро дори-дармон” МЧЖда ташкил қилинган партияимиз бошланғич ташкилоти эса депутатга бу ишларда мадакор бўляпти. Қуйи бўғин 40 нафар маслақдошни бирлаштирган. O'zLiDeP дастурий гоё ва мақсадларини оммалаштиришда, сиёсий куч нуфузини мустаҳкамлашда ваколатларидан унумли фойдаланяпти.

Асхор ИСТАМОВ,
“XXI аср” мухбири

(Ушбу мақола реклама хуқуқи асосида тайёрланди)


“Барон-2”

қаҳрамонлари россиялик ҳарбий журналистлар

“Ўзбекино” Миллий агентлиги буюртмасига биноан суратга олинаётган, ammo пандемия сабаб тўхтаб қолган “Барон-2” фильмининг Россия–Сурия ўртасидаги муносабатларга бағишланган қисмини тасвирга олиш ишлари бўйича тайёргарлик жараёнлари бошланди.

Бу ҳақда фильм режиссёри Рустам Сағдиев шундай деди:

– Ушбу киноасарнинг икки давлат дипломатик алоқалари хусусидаги қисмида ҳарбий журналистлар Антон Степаненко ва Евгений Поддубнийнинг журналист ролини ижро этишлари



режалаштирилган. Қаҳрамон деса арзийдиган инсонлар образи орқали бевоқифа даҳшатли уруш ўчоғида туриб, ҳарбий ҳаракатлар вақтида рўй берган реал воқеаларни ёритолган икки журналистнинг тенгсиз маҳорати очиб берилади.

Россиялик кино ҳамкорлар таклифига биноан мазкур фильм режиссёри Рустам Сағдиев ўз ижодий гуруҳи билан Москвага борди. Сафар чоғида

улар таниқли ижодкор Антон Степаненко билан учрашиб мулоқотда бўлишди.

Антон Степаненко: – “Ўзбекино” томонидан ушбу мурраккаб мавзу, яъни тинч замонда рўй бераётган уруш фожиаларини фош қилувчи картинани суратга олишга қарор қилингани жиддий уриниш. Айниқса, фильм ижодкорларининг барча ахборотларнинг ишончли, асосли бўлишига эъ-

Реклама

тибор қаратаётгани, жумладан, журналистларнинг ҳам талотум майдонларидан туриб, эфир учун қандай жонли материаллар тайёрлашини томошабинга етказиб беришга ҳаракат қилаётганидан хурсандман. Агар манави кутилмаган офат – пандемия бўлмаганида, бу фильм аллақачон тайёр бўлиб, катта экранда ҳам намойиш этилган бўларди. Ҳозир эса ташвишли вазият анча барқарорлашгани сабабли яқин орада фильмни суратга олиш ишлари тугайди.

Таъкидлаш керакки, Антон Степаненко ва Евгений Поддубний мазкур фильмда ҳарбий ҳаракатлар бўйича маслаҳатчи ҳам.

Бир неча кундан буён юртимизда бўлиб турган “Қуёш лаззати” фильми ижодкорлари кечадан бошлаб ўзбек актёрлари иштирокида кастинг жараёнларига ҳозирлик кўряпти.

“Қуёш лаззати” да бизникилар роль ижро этади

Фильм Россия кинокомпанияси билан ҳамкорликда суратга олинди режалаштирилган. Таъкидлаш жоизки, бу асар оила даврасида томоша қилишга мўлжалланган фантастик-саргузашт жанрида яратилди.

Фильмнинг постановкачи режиссёри Эльдар Салаватов, расм Юри Фоменко, продюсерлар Эдуард ва Кристина Горбенко, режиссёр Таня Суляева.


Шу кунларда ижодий жамоа аъзолари тасвирга олиш жойлари сифатида танланган Тошкент, Бухоро ва Самарқанд шаҳарларини зиёрат қилишмоқда.

“Ўзбекино” Миллий агентлиги ахборот хизмати

ЭЛЕКТРОН ТИББИЁТ

ҚОҒОЗБОЗЛИККА, НАВБАТЛАРГА ЧЕК ҚЎЯДИ

О'zLiDePнинг сайловолди платформасидан ўрин олган яна бир муҳим вазифа ҳаётда ўз аксини топа бошлади



Бугунги кунда бирор бир соҳанинг давр талабларига мос равишда ривожланишини инновацияларсиз тасаввур қилиб бўлмайди. Айниқса, бебаҳо бойлик – халқ саломатлигини асраб-авайлаш, келажак авлоднинг соғлом ўсшини таъминлашга масъул соҳага замонавий технологияларни жорий этиш давр талабидир.

Президентимиз юртимизда жаҳон стандартлари даражасидаги тиббий хизмат жорий қилинишига ўта долзарб ва кечиктириб бўлмайдиган вазифа сифатида алоҳида эътибор қаратаётгани, бу борадаги ислохотлар изчиллигини шахсан ўзи назорат қилаётгани, қайси ҳудудга ташриф буюрмасин, шифо масканларини бориб кўраётгани бежиз эмас.

Давлатимиз раҳбари томонидан 2021 йил 23 февраль кунини имзоланган “Соғлиқни сақлаш соҳасида рақамлаштириш ишларини самарали ташкил этиш чора-тадбирлари тўғрисида”ги қарори айтилганда амалга оширилган ишларни сифат жиҳатдан янги босқичга кўтариши табиий. Зеро, мазкур ҳужжатга асосан соғлиқни сақлаш соҳасини рақамлаштириш ва ахборот тизимлари ягона комплексини жорий этиш, бошқарув жараёнидаги ортиқча тартиб-тамоийларни қисқартириш, тиббиёт ходимларининг иш самарадорлигини ошириш, шунингдек, рақамли трансформациялаш дастурларини жадаллаштириш мақсадида Соғлиқни сақлаш вазирлигининг “Ахборот коммуникация технологияларини ривожлантириш маркази”

давлат-унитар корхонаси негизда “IT-Med” масъулияти чекланган жамияти ташкил этилди.

Замон билан ҳамқадам юриш, ҳатто сал олдинроқ одимлаш талаби қўйилган “IT-Med” МЧЖ зиммасига соғлиқни сақлаш ташкилотларидаги жараёнларни оптималлаштириш, рационаллаштириш, стандартлаштириш ва автоматлаштириш, соҳада ахборот тизимларини кучайтириш учун амалга ошириладиган халқаро лойиҳаларнинг техник-иқтисодий параметрлари, концепциялари ҳамда бошқа ҳужжатларини ишлаб чиқиш,

тиббиёт ва фармацевтикада ахборот технологияси ва коммуникациялари сиёсати ва стандартларини ишлаб чиқиш, “Электрон соғлиқни сақлаш” ахборот тизимлари ягона комплексини жорий этиш ва кузатиб бориш, шунингдек, уларнинг бошқа давлат органлари ахборот тизимлари билан интеграциясини таъминлаш каби вазифалар юклатилди.

Таъкидлаш жоизки, 2024 йил 1 январдан бошлаб республикадаги барча тиббиёт ва фармацевтика ташкилотлари, шу жумладан, дорихоналар мажбурий тартибда босқичма-босқич Ягона

платформага уланиши, 2023 йил 1 январга қадар аҳоли ва тизим фойдаланувчилари томонидан интерактив тиббий хизматларни олиш имконини берувчи махсус мобиль иловалар тайёрланиши ва ишга туширилиши О'zLiDePнинг сайловолди платформасидан ўрин олган яна бир муҳим вазифа реал ҳаётда ўз аксини топа бошлаганини аниқлади.

Мазкур қарор юртимизда соғлиқни сақлаш тизимини янада ривожлантиради ва аҳолига тез, сифатли тиббий хизмат кўрсатиш самарадорлигини оширади. “Ёшларни қўллаб-қувватлаш ва аҳоли

саломатлигини мустаҳкамлаш йили”да амалга оширилаётган бундай ислохотлар замирида ҳар бир фуқаронинг саломатлигини мустаҳкамлаш, жамиятда соғлом турмуш тарзини шакллантириш ва ахборот технологиялари ривожланган асрда аҳолига замонавий электрон тиббий хизмат кўрсатилишини йўлга қўйиш каби мақсадлар мужассам.

Электрон тиббиёт ортиқча қоғозбозликка чек қўйиб, барча ишларни онлайн тизимга солади. Тезкор ва аниқ ишлаш имконияти кенгайди. Чунки ҳужжатлар электрон шаклда бўлиши аҳолига сифатли ва тезкор хизмат кўрсатиш имконини беради. Онлайн рўйхат асосида шифокорларнинг қабули ташкил этилиши навбатларга, сарсонгарчиликларга чек қўяди. Тиббий карталарнинг тармоқли тизими, масофавий диагностика, тиббий интернет ва инсон саломатлигини масофадан мониторинг қилиш, виртуал тиббий кўриқдан ўтказиш, виртуал шифохона хизмати, электрон рецептлар, телеметрия ва симсиз алоқадан фойдаланиш тиббий ёрдамни уйда олишга шароит яратади.

Шерзод ҚҶҶҚОРОВ,
О'zLiDeP Хоразм вилоят
Кенгаши мафқуравий,
ташвиқот-тарғибот
ишлари бўлими мудир

О'zLiDeP кунлари



Атрофи қум, сабри бутун одамлар ҳузурда

О'zLiDeP Навоий вилояти Кенгаши энг чекка ҳудудларда яшаётган кам таъминланган оилалар кўлаб-қувватланиши кўзда тутилган янги лойиҳа – “Энг чекка ҳудудларда О'zLiDeP кунлари” ўтказишни бошлаб юборди. Турмуш шароити ҳисобга олинган ҳолда ҳар бир муҳтож оилага аниқ йўналтирилган моддий ёрдам (уй-рўзгор буюмлари, озиқ-овқатлар, асбоб-ускуналар) бериляпти.

– Шундай жойларга бордикки, масалан, Хатирчининг Уйшун қишлоғи аҳли ҳар 10-15 кунда бир марта каналдан насос орқали тўлдириладиган ҳовуздан сув ичади. Бошқа имконият йўқ. Ер 100 метр қазилганида ҳам сув чиқмайди. Йўл ёмон, бунинг устига манзил узоқ.

Ташиб келиш анча қимматга тушаётгани учун ўша ҳовузнинг эскирган бўлса-да, сувидан ичишга мажбур. Ёки Конимехнинг Сарибел чўлларида на дов-дарахт, на экин ўсадиган, саксовудан бошқа ўсимлиги йўқ овуллар бор. Яшаш ниҳоятда оғир. Томорқа-ю чорвачилик тўғрисида гап ҳам бўлиши мумкин эмас. Туман марказидан 200 км. узоқликда жойлашган Сарибелда хонадонларнинг остонасигагача қум босган.

– Ана шундай шароитларда мардона яшаётганларга елкадош бўлиш, оз бўлса-да, ёрдам кўрса-

тишни мақсад қилдик ва энг олис қишлоқлардаги оилаларни белгилаб олдик, – дейди партиянинг Навоий вилояти Кенгаши аппарати раҳбари Муҳаммад Эшниёзов.

– Дастлабки йўқлов Хатирчининг Гулистон, Навбахор туманининг Дулдул маҳаллалари бўлди. Озиқ-овқат маҳсулотлари, гигиеник воситалар, уй-рўзгор буюмлари улашларди.

ТАРҒИБОТ ИШЛАРИ СУСТ

Қонунлар халқ манфаатини фойдалагандагина тараққиётга хизмат қила олади.

Халқ депутатлари Навоий вилояти Кенгаши депутатлик гуруҳи ташаббуси билан “Давлат-хусусий шериклик тўғрисида”ги қонуннинг вилоятдаги ижроси бўйича Молия бошқармасининг ахбороти эшитилди.

Дастлаб, бошқарма вакили бу ҳақда маълумот тақдим этди, тарғибот-ташвиқот ишлари қониқарли эмаслиги боис аҳолида бу хусусда тушунча ҳаминқадарлиги танқид этилди. Қонунлар ижросини мунтазам равишда назоратга олиш юзасидан ҳамкорликда ҳаракат олиб бориш мақсадга мувофиқлиги айтилди.

О'zLiDeP Навоий вилояти
Кенгаши матбуот хизмати

Қарий ўн йилдан бери O'zLiDeP аъзолари сафида фаоллик кўрсатиб ишлаётган Юлдуз Урунбаева шу йил бошида партия томонидан "Мамлакатимиз тараққиёти, таълим-тарбия соҳасини янада яхшилаш амалиётига илмий ва инновацион ютуқларни жорий этиш йўлида олиб бораётган масъулиятли ва олижаноб ишлари учун" ташаккурномаси билан тақдирланди.

Хеч бир эътироф ўз-ўзидан бўлмайди, албатта. Илм эгаллаш – машаққатли иш. Унинг игна билан кудуқ қазишга менгзалиши ҳам бежиз эмас. Эгалланган илмни улашиш, илмталабларга ўргатиш эса икки карра масъулият ва машаққатни талаб этади. Юлдуз Урунбаева айна шу масъулиятни зиммасига олиб, ўз вазифасини сидқидилдан бажармоқда. Тўғри, O'zLiDeP томонидан тақдим этилган ташаккурнома ёш олима ва ҳар жиҳатдан фаол аёлнинг ҳаётда эришган ютуқлари орасида кичикроғидир, лекин ҳар бир эътироф инсонга қанот бериши, катта ишларга руҳлантириши тайин. Шундан илҳом олган қахрамонимиз изланишдан, ўқиб-ўрганишдан, ўрганганларини шогирдларига

ўргатишдан тўхтагани йўқ.

Газетхонларни ёш олиманинг илмий фаолияти ва ҳаёти билан ҳам яқиндан таништиришни мақсад қилдик.


дунёни тебратида, деб бежиз айтишмаган, – дейди Юлдуз Урунбаева худди юқоридаги сўзларимизни кўзимиздан уққандек. – Бугунги аёлла-

интилиш ва ташаббусларини қўллаб-қувватлаш, уларга муносиб меҳнат ва яшаш шароитларини яратишга алоҳида эътибор берилаётганидир. Президентимизнинг 2018 йил 2 февралдаги "Хотин-қизларни қўллаб-қувватлаш ва оила институтини мустаҳкамлаш соҳасидаги фаолиятини туб-

малари, жумладан, 2008 йили чоп этилган "Янги педагогик технология" номли услубий қўлланмаси ўзи меҳнат қилаётган институтда талаба-ёшларга соҳани ўрганишда асқотмоқда. Шунингдек, қатор шогирдлари муносиб ютуқларга эришяпти. Хусусан, 2012 йили иқтисодиёт ва менеж-

Юлдузнинг юлдузли дамлари

У айна пайтда Самарқанд иқтисодиёт ва сервис институти иқтисодиёт назарияси кафедраси доценти, иқтисод



фанлари бўйича фалсафа доктори. Бир оилага муносиб бека бўлиш бор имконияту вақтни "ўғирлайди" баъзан. Бироқ Юлдуз ҳам илм, ҳам оилада бирдек бахти чопганлардан. Ҳозир у тўрт фарзанднинг онаси, бир бахтли оила бекаси ҳамдир.

– Аёл бир қўли билан бешикни, бир қўли билан эса

римиз, қизларимиз қайнона-қайнота хизмати, ота-она, уй юмушларидан ортиб, жамиятда ҳам ўз ўрнига эга бўлиб келаётганига барчамиз гувоҳимиз. Бу интилишларимизга асосий сабаб – давлат раҳбари томонидан хотин-қизларнинг ижтимоий-сиёсий фаоллигини ошириш, саломатлигини муҳофаза қилиш,

дан такомиллаштириш чора-тадбирлари тўғрисида"ги фармони фикримизга яққол далил. Мамлакатимизда аёлларга қаратилаётган эътибор ва яратилаётган шарт-шароитлар биз каби олималарни янада руҳлантираётгани рост.

Дарҳақиқат, Юлдуз Урунбаева хизмат кўрсатиш соҳасини ривожлантириш ҳамда аҳоли турмуш даражасини ошириш муаммолари йўналишида илмий изланиш олиб бормоқда. 2018 йили Самарқанд иқтисодиёт ва сервис институтидаги фаолияти давомида хизмат кўрсатиш тармоқлари иқтисодиёти бўйича фалсафа доктори диссертациясини муваффақиятли ёқлади. Айна пайтда "Инновацион иқтисодиётни шакллантириш шароитида хизматлар соҳасининг аҳоли турмуш даражасига таъсирини ошириш" мавзусида докторлик диссертацияси устида ҳам иш олиб бормоқда. Олиманинг қатор қўллан-

мент факультети талабаси Сирожибдин Халилов Ойбек номидаги стипендия совриндори, сервис факультети талабаси Шохрухбек Уралов эса 2020 йили ўтказилган Ўзбекистон Республикаси Президенти давлат стипендиясига танловнинг институт босқичи ғолиби бўлди. Хали бу рўйхатни яна давом эттириш мумкин. Чунки устоз ташаббускор, фидойи бўлса, шогирдларнинг муваффақиятлари, ютуқлари ортиб бораверади. Зеро, буларнинг замирида тинимсиз меҳнат, касбга садоқат бор. Бир сўз билан айтганда, Юлдуз Урунбаева дарс жараёнини ўқитишнинг бошқа интерфаол усулларидан, замонавий ахборот технологияларидан унумли фойдаланган ҳолда олиб бормоқда.

Муҳаббат РАВШАНОВА,
"XXI asr" мухбири

(Ушбу мақола реклама ҳуқуқи асосида тайёрланди)


"САМАРҚАНД КАМАЛАК ИНВЕСТ ТЕКСТИЛ"

*Орзиқиб қутилган кўркани кўкани кунларида
 барча она-сингилларимизни*

*8 март – Халқаро хотин-қизлар байрами
 билан табрикланган юят мамнунимиз.*

*Доимо халқимиз, Ватанимизнинг юкеак меҳри
 ва ардоғида юриш насиб этсин!*

*Оилангиз, фарзандларингиз, эл-юртингиз бахтига
 ҳаммита соғ-омон бўлинг!*



Дабдаба ва дабдала

Президент фаолияти, жойларга ташрифларини оммавий ахборот воситаларида ёритиш илгари қандай эди-ю, ҳозир қанақа? Аввал УЗТВ ва УЗА мухбирлари, айна шу ташкилотларнинг оператор ва фотографларидан ташқари ҳеч ким қўйилмасди давлат раҳбарининг ёнига. Расмий тадбирнинг эртасига барча газеталар эгизаклар янглиг чоп этиларди. Тўқсон фоизи олдиндан тайёрлаб қўйилган “шаблон” мақолалар ҳам тахририятларга аксарият ҳолларда тун ярмидан оққанда етиб келарди. Телевизор ва радио “изчил ислохотлар самараси”ни такрорлашдан чарчамасди. Йўқ-йўқ, журналистларнинг нўноқлигидан эмасди булар асло. Шунчаки қатъий талаб қўйилганди: ёмони яширилсин, яхшиси оширилсин! Энг қизиғи, мазкур топшириқ ким томонидан қай мақсадни кўзлаб берилганганини англаб бўлмасди.

Бугун-чи? Вазият бутунлай ўзгача. Янги Ўзбекистондаги очкилик сиёсати тўғрисида том маънода сўз эркинлиги эпиклири эсаётир. Президент қатнашадиган маросимларга расмий ОАВлар қаторида нодавлат телеканаллар ҳодимлари, ҳатто фаол блогерлар ҳам тақлиф этилмоқда. Юртбошимиз уларнинг саволларига очик-ойдин жавоб қайтаряпти. Лавҳа ва хабарлар сирли қўлилар томонидан тахрир қилинши тажрибаси барҳам топди.

Энди журналистлар кўрганни сўйлапти ва ёзпти. Юзаки мақтовлар ўрнини аста-секин таҳлил эгалламоқда. Танқидий фикрлар кўпайганида рост. Кези келганда, давлатимиз раҳбарининг Наманган вилоятига ташрифиди бевосита ҳамроҳлик қилган блогерлардан бирининг ўткир мулоҳазасига диққат қаратмоқ жоиз: “Сессиядан кейин Президент кортежи Давлатобод туманидаги янги кутубхонага йўл олиши керак эди (тасдиқланган кун тартиби бўйича). Аммо йўналиш шартта ўзгариб кетди. Машиналарни тинимсиз силкитган, ўйдим-чукур “Юксалиш” кўчасидан юриб, “Бунёдкор” маҳалласига бордик. Интернетда тарқалган видеоларда, суратларда ҳам кўргандирсиз, у ерларда на юксалиш ва на бунёдкорликдан, на тозаликдан асар йўқ. Шунчаки дархат экиш, деворни оқлаш, чиқиндини тозалаб қўйиш мумкин бўлган ҳолатга қарата “Бу сизларнинг юзингиз”, – дейилди шахар мутасаддиларига. Жиддий оҳангда...”

Айтинг-чи, тўрт-беш ил илгариги мухбирлар “на юксалиш ва бунёдкорликдан, на тозаликдан асар йўқ”лигидан бонг ура оларимиди? Яна давлат раҳбари борган жой ҳақида-я? Тасаввур қилиш мушкул! Утган гал Фаргонанинг

ёхуд Президент келмагунча муаммоларимиз ечилмайдими? Қачонгача томошабин бўлиб ўтирамыз?

“Шодиёна” маҳалласига кутилмаган ташрифни кўпчилик уюштирилган деб ҳисоблаганди. Наманганда эса газ, электр энергияси, ичимлик суви танқислигидан, йўллар абгорлигидан шикоят қилаётган нуронийлар, телефонда видео олишга уринаётган ёшлар, кортеж ортидан югураётган болалардан ҳулоса қилиш мумкинки, буниси аниқ режалаштирилмаган. Қинғир-қийшиқ йўллардан Меҳрибонлик ва Мурувват уйлари борилгани ҳам шундан далолат.

Давлат раҳбарининг автомобили қаёққа бурилишини кимдир билганида кечаси билан ухламасдан йўллар сал-пал эпакчага келтирилди, тўғрими? Буни амалда кўрганмиз-ку ахир. Аҳоли кўп гапирмаслик ёхуд нима сўзлаш мумкинлиги бўйича оғоҳлантирилди. Лекин ҳозирги муносабатимиз бу ҳақда эмас. Аксинча, ташриф тафсилотларини кузатиш асносида юзага келган айрим жавобсиз саволлар хусусида. Муайян тармоқ ва соҳаларнинг тизимли ишлашига масъул раҳбарлар, жойлардаги ижроия органларнинг лоқайдлиги тўғрисида.

Дабдаба ва дабдала. Бу икки сўз талаффузи ўзаро яқин жаранлагани билан маъноси умуман тескарисидир. Таъкиддаги қиссининг ҳиссаси мазкур тушунчалар моҳиятини нутгунларга тегишли. Йўқса, “Шодиёна”, “Юксалиш”, “Бунёдкор” каби дабдабали номлар қўйилган жойлар дабдала тўн киймасди. Фаргонанинг “Шодиёна”-сидаги қаровсиз ерлар кўпқаватли уйлارнинг ораси бўлгани учун қоқоқлик кўлами яққол кўринмагандир балки. Аммо Наманганнинг “Бунёдкор”ида оддий одамларни муаммолар билан ёлғиз қолдиришининг аянчли оқибати бор бўй-бастида тўлиқ намоён этди ўзини. Салоҳиятсиз кишининг маҳалла раислигига қандай сайлангани, уни оқсоқоликка ким тавсия қилгани аниқлашдан не наф? Бориш қийин, тикка тоғлар бағридаги Чодакда бўлса ҳам майли эди шу маҳалла! Бутун дунёга гуллар шахри сифатида кўз-кўз қилинади-ган масканнинг ёнгинасидаги “шароит”га майдунлар ййгла-са, бийдай чўлларни макон тутган томдилликларга тўзим берсин. Оролбўйидаги олис овуллар, Қоровулбозордаги чор тарафи кум ила уралган кишлоқлар-чи? Умида ҳоким бормаган маҳаллаларни санаш нақадар оғир. Узи



билан ўзи яшаб, зўрға кун ўтказётган одамларга қараш нақадар азоб. Уларнинг Президент келишини кутишдан ўзга умиди қолмаганини сезиб туриш нақадар даҳшат! “Энди халқаро йўлларга харажатни қисқартирсак ҳам, ички йўлларни тузатишимиз керак”, деган давватнинг моҳиятини ҳалиям юракдан ўтказма олманган ўрта бўғин раҳбарларининг иши нақадар мантиқсиз.

Шу ўринда азиз ҳамкасбларим – жойлардаги ТВчи ва газетчи дўстларим, шов-шувга берилиб кетадиган блогерларга ҳам эътироз кам эмаслигини таъкидлаш жоиз. Биз журналистлар ҳам Президент боргандан кейин кўряпмиз муаммони. Нима, билмасмидик аввал? Албатта, билардик. Лекин “менга нима” қабилида иш тутамиз. Ҳамон танқид қилиш учун ҳокимиятдан чўчиймиз. Айниқса, худудий телеканаллар ва вилоятлар газеталари ҳокимларнинг фақатгина яхши ишини ёритишга ихтисослашиб қолгани барчага аён.

“Шодиёна” ва “Бунёдкор” сингари маҳаллаларни обод қилиш учун пул йўқ, деганлар сафсата сотаётгани маълум. Биринчидан, давлатимиз раҳбари кейинги уч-тўрт йилда худудларга ўттиз йилда берилмаган катта маблағлар ажратилганини очик айтмоқда. Иккинчидан, шу икки маҳаллада охириги ҳафтада бажарилган ишларга пул қардан пайдо бўлди, агар роқстан ҳам ажратилмаган бўлса? Ҳокимларнинг энди шу ерда яшашини ижтимоий тармоқларда айлантириш “қора пиар” бўлиб кўринмайтими? Ёки Президент ўртага қўйган ва ечимини топиб берган муаммо бўйича ўзидан қаҳрамон

ясамоқчиси булар? Аминманки, мутасаддилар бундай саволлар қаршида ожив қолади. Улар яна бир жиҳатга тайинли муносабат билдири олишмайди. Ўйини, нега одамларнинг дардини фақат Президент тинглаши зарур, деган саволга ерга қараб туришдан бошқа жавоб қайтаролмайди. Ижроия ҳокимиятининг ўрта бўғинида ишлайдиган амалдорларни кампаниябозлик ва мажлисбозлик сингари касалликлардан даволаш жуда оғир кечмоқда. Гуё ўт ўчирувчиларга ўхшайдилар. “Олов” чиққан жойга югуриб боришади ва уни ўчирдик дея юқорига ахборот беришади. Шундан сўнг йигилишга кириб кетишади. Соатлаб нималарнидир гаплашишади. Амалда эса эски ҳаммом, эски тослигича қолаверади. Юртбошимиз: “мажлис ўтказма” – деса-да, улар ўтказаверишади. Бақир-чақирга айланадигани ҳам анчагина. Ачинарли томони шундаки, муҳокама қилинган масала кўпинча шу ернинг ўзида қолиб кетади. Ёхуд “протоколбозлик” шаклида қорозда давом этади. Ижро назорати бўлинмалари “Фалон баёнининг пистон бандини нега ёпмадинг?” – дейиши билан, давлатимиз раҳбари келмагунча маъмур-тахлам хужжатлар вужудга келтирилади. Бирок бу қоғозларнинг бирортасидан оддий одамларга наф тегмаётир. Улар “Шодиёна” ва “Бунёдкор”даги сингари қийин шароитда бир амаллаб кун ўтказишмоқда. Қайтариқ бўлса-да, яна айтиш: шу икки ҳафта давомида кўрганларимиз олтин водийдаги аҳвол.

Ҳокимлар халққа яқинлашсини бошлаши учун бошқа фикр билдириш ортиқча, назаримда.

Президент фаолиятини

астойдил кузатадиган мустақил журналист ва таҳлилчи-экспертларнинг таҳминига кўра, кейинги ташриф Тошкент вилоятига бўлиши мумкин. Хукумат масъулларининг кунда,

кунора Нурафшон шахрида тўпланаётгани, ушбу мулоқотларга вазирилик ва идоралар вакиллари қаққиртирилаётгани шунга ишора. Катта трассанинг асфальтлари янгиланаётгани ҳам бежиз эмас. Лекин юртбошимиз бу сафар ҳам тайёрланмаган жойга кутилмаганда боришини мутасаддилар англамаётгани ғалати. Акс ҳолда, Президент ўтадиган йўл бўйидаги худуд – **Юқори Чирчиқ туманига қарши “Ийк ота” маҳалласи** аҳли XXI асрнинг 21 йилида ҳам ичимлик суви билан таъминланмаганини эсга олишарди. Маҳалланинг ички йўллари ҳақида оғиз очишга умуман тил ожив. Кейинги кунлардаги ёнгингарчилик тўғрисида одамлар катта кўчагача сувэтик кийишга мажбур бўлаётганига эътибор қаратишарди.

“Ўзсувтаъминот” АЖ ва йўлларга масъул идораларга бу ердаги мавжуд муаммолар юзасидан бир неча бор ёзма равишда мурожаат қилинган. Пинагини бузмайдиган масъуллар эса “Кейинги йиллар дастурига киритамиз” қабилидаги жавоб хатлари билан қутулишган-қўйишган.

Президент келмагунча муаммоларимиз ечилмайди, дейишмоқда “Ийк ота” маҳалласи нуронийлари. Яна савол: қачонгача? Вазирилар ва уларнинг ўринбосарлари, ҳокимлар ва уларнинг ўринбосарлари нима учун катта миқдорда маош оляпти? Ҳатто туманлар ҳокимларининг ўринбосарлигига яп-янги хизмат автомобиллари берилган. Юртбошимиз уларга жон қуйдириб ишлаш учун шундай шароит яратиб бермаганмиди?!

Омон ЭСОН

Мангуликка дахлдор сулола

...Абулғозий Баҳодирхон сулоласи вакилларида бўлмиш Аминаддин Ёқуб ўглининг тўнғич фарзанди Муҳаммад Аминаддин ўғли Францияда ўқиган илк туркистонлик илмга ташна талаба эди. У тарихимизда Хоразм, Ўрта Осиё учун ҳаёт-мамонт масаласи бўлмиш сув хўжалиги соҳаси бўйича олис Европада таълим олган биринчи ўзбекдир.

Бешта тилда бемалол сўзлаша оладиган Муҳаммад тўрт йил деганда Тулуза шаҳридаги сув хўжалиги коллежини тугатиб, бир туя китоб билан қайтиб келади. Амалиётни Туркиянинг Истанбул шаҳрида ўтаган Муҳаммад ёзи таътилда муқаддас ҳаж зиёратини адо этиб, 23 ёшида ҳожилик рутбасига, кейинчалик эса биргина хонликнинг эмас, балки бутун бошли Хоразм халқ республикасининг зироат вазири мақомига эришган ягона ватандошимиз сифатида ҳам тилга олиниши бежиз эмас.

Минг афсуски, жадидчилик булогидан сув ичган "Ёш хиваликлар" ҳаракатининг фаол аъзоси, 20 йилча ҳокимлик вазифасини ҳалол бажариб келган, оддий халқ тилида Ҳожибой ҳоким деб шуҳрат қозонган Муҳаммад ҳожи 1938 йилнинг 19 февралда кофирлик йўлини тутган шўро


жаллодларининг вақтинчалик ҳибс-хонасига айлантирилган Туясарой қамоқхонаси (тақдир ўйинларини қарангки, бу жой бутун ислом оламида машҳур қадамжолардан бири бўлган Заггиота зиёратгоҳи эди)да дунёдан кўз юмади...

Осиёда доврўғ таратган ушбу сулоланинг илмпарвар, халқпарвар вакиллари номларини санасак, ҳайратда қолаётиб. Муҳаммад ҳожи Аминаддиннинг фарзандлари ҳам оталари изидан бориб, эл-улус дуосини олишганига кўпчилик гувоҳ. Унинг неваралари Шарифа, Абдуллоҳ, Ҳабибуллоҳ, Атоуллоҳ, Неъматуллоҳнинг тақдир кечмишлари ҳам китобларга сиғмайди. Улар орасида ҳаммамиз танийдиган, биладиган энг тажрибали ва таниқли жарроҳ Абдулла Худойберганов узоқ йиллар Ўзбекистон ва Қорақалпоғистон республикалари соғлиқни сақлаш

вазири бўлиб ишлаган ва боболари-га ўхшаш аламли тақдир унинг ҳам бошидан ўтган, дўшман деган манфур қатагончилар гуруҳи зулмидан бенафис қолмади. Лекин ҳақиқат эгилса-да, барибир синмади, у Москвадаги даҳшатли қамоқхоналардан қутулиб, суд залидан тўла оқланиб озодликка чиқди. Отауллоҳ оға ҳам бундай тўхмат ортидаги кўргиликлардан қуруқ қолмаган. Уларни Оллоҳ раҳматиға олсин!

Зиёлилар, ижодкорлар ҳамиша эъозлаб тилга олгучи маърифатли инсон, халқпарвар раҳбар, бугун эса Тошкент давлат Аграр университети талабаларига ўз тажрибаларини ўргатиб, докторлик илмий ишини ёқлаш арафасида турган Неъматулла Худойбергановнинг хайрли хизматлари ҳақида ҳар қанча фахрланиб сўзласак арзийди.

Бундай мураккаб қисмат ва халқимиз хотирасида ўзларининг унутилмас, савобли хизматлари билан танилган сулолалар зурёдлари, жонфидо инсонлар жуда кўп. Биз бугун санаб ўтган айрим тарихий маълумот ва талотумли воқеалар акс эттирилган китобнинг номи "Ўфқ ортидаги умр" деб номланибди. Таниқли адиб, жур-



налист Рўзимбой Ҳасан ва иқтидорли ижодкор Муҳаббат Сафоева қаламига мансуб ушбу роман-эсседа тўққизма ё бадиий образлар йўқ, ҳаётдаги бор ҳақиқатлар маҳорат билан очиб берилган.

Жавҳарбек ҚОДИРОВ,
Ўзбекистон давлат санъат ва маданият институти талабаси

Ушбу суратларни кечагина Шаҳрисабз шаҳрига шундоқ ёндош, яъни Танхоз дарёсидан ўтганингиздан кейинги собиқ Буюк ипак йўли (ҳозирги номини эшитиб ёқамни ушладим, ё тавбангдан кетай, бошқа



Калампир

Пул топиш қийин, ақл топиш унданам қийин

Ўзбек тилининг "Изоҳли луғат"ида "ҳола" деган сўз борми?
Албатта, йўқ!

Унда ишлаб чиқарувчиларнинг бундай ёрлик остида фаолият кўрсатишига нега руҳсат берилган? Қадоқдаги маълумотларни аралаш-қуралаш эълон қилишлари қайси қонун-қоидага тўғри келади? "Қатик" сўзининг остига "юқори сифат" ("высшего качества" эмас) деб ёзишса бўларди-ку? Ўзбекча ва русча маълумотлар айро ҳолда муҳрланишини ҳам билишмайди бу пултопар ишбилармонлар?

Саводхонлик бобидаги кулгили ахволимизни кўринг.
Бу ҳали "ҳола"нинг фақатгина



қатик солинган идиши олд қисмидаги хатолар, холос. Айлантириб санайдиган бўлсам, бошингиз оғриб кетади...

Бошқа маҳсулотлардаги маълумотларни ўқиш шарт эмас. Пул топиб бойишни эплайдиганлар ақлини ишлатиб, саводхонликни ҳам эпласалар бўлмайдими?!

Нурхон ЭЛМИРЗАЕВА,
"XXI asr" мухбири

"ДОМ"ДАГИЛАР ДОДИ нега ҳеч жойга етиб бормаяпти?

атама қуриб кетганми-кан, НАВНИҲОЛ эмиш. Кўҳна номнинг нимаси ёмон, айтинглар! Бу номни Тошкентда тасдиқлаганларнинг дид-фаросатига ўт тушсин, бу алоҳида мавзу!нинг ўнг тарафида дабдаба билан қурилиб фалон миллионларга сотилган хашаматли 301-уйда яшовчилар бизга юборибди.

Бу уй жойлашган худуд Шаҳрисабз тумани "Хонтепа" МФЙга қарашли. Буни қарангки, шу худудда қурилган икки тарафдаги 4 та "дом"дагилар ва 301-уйда яшовчи 45 хўжалик аъзолари ҳам яқин-яқингача ҳаммаёқда шов-шув

қилиб реклама қилинган "дом"лари канализацияга уланган-уланмаганидан беҳабар экан!

Куласизми ё-куясизми? Қайси замонда яшаймиз ўзи? Бир ёқда бутун мамлакат аҳли қаровсиз, хароба маҳаллаларига кўчма ёки турғун вагон-контейнер уйлар қурдириб кўчиб келаётган вилоят ҳокимларини дуо қилиш билан овора. Бир ёқда эса қадим замонларда ота-боболаримиз чуқур хандақ-ўра қазиб, чиқинди бошқа ахлатларни кўчага ҳидиниям чиқармасдан ўша ерга ағдарган, оқизган бўлсалар, бугун, 21-асрда баҳайбат "дом"ларда яшаётганлар учун худди шундай усул

қўллангани қайси асрга мос келади?

301-уйдагилар учун қазилган "яма" яқинда тўлиб қолганлиги сабабли оқиб чиқаётган қўланса ҳид иссиқ кунлар келиши биланок ҳамма ёқни тутиб кетаётган экан.

Яна бир ташвишли томони, ўша хандақ келин-куёвлар сайр этиб айланиб, томоша қиладиган машҳур Райҳонбоғ ёнгинасида экан.

Қани ким изоҳ беради бу даҳшатли ҳолатга? Вилоятда бўлмаса, пойтахтда шундай уйлар қурилишини қарсиллатиб тасдиқлаган бу аянчли ахволни қандай изоҳлайди?

Озод ҚАРВОН

ЭЪЛОН

"Avtomatlashtirilgan Transport To'lov Tizimi Operatori"
МЧЖнинг шу йил 15 февралда бўлиб ўтган умумий йиғилишида жамятининг устав жамғармасыни камайитириш ҳақида қарор қабул қилинганини маълум қиламиз. Ушбу қарор юзасидан қонунчиликда белгиланган тегишли асослар ҳақида қўшимча маълумот олишни истаганлар эълон чоп этилган кундан бошлаб бир ой мобайнида **78 140 08 08** телефонига кўнгириқ ёки info@atto.uz электрон почтасига мурожаат қилишлари мумкин.

Хизматлар лицензияланган.



MUASSIS: TADBIRKORLAR VA ISHBILARMONLAR HARAKATI – O'ZBEKISTON LIBERAL-DEMOKRATIK PARTIYASI

XXI ASR
ИТМОИЙ-СИВОСИЙ ГАЗЕТА
HAFTALIK NASHR

Бош муҳаррир
Норқобил ЖАЛИЛОВ

Таҳририят манзили:
Тошкент шаҳри,
Нукус кўчаси 73-уй.
Электрон почта:
xxi.asr@mail.uz
xxi.asr@mail.ru
Телефонлар:
қўриқовона – 71 215-63-80
(телефас).
Оқува ва расмий
бузма – 71 255-68-50.

"XXI asr" иқтисодий-сиёсий газетаси
Ўзбекистон Матбуот ва ахборот
агентлигида 2011 йил 14 июнда 0009-рқазми
билан рўйхатдан ўтказилган.
"Шарқ" нашриёт-матбаа акциядорлик
компанияси босмахонасида чоп этилди.
Қорхона манзили:
Тошкент шаҳри Буюк Тўроқ кўчаси 41-уй.
Газета об'ект усулида, А-3 форматда
босилди. Ҳажми – 3 босма табоқ,
Буортрма рақами: Г – 351 Тираж: 3542
Баҳоси келишилган нарҳда.
Топширилди – 20:00

Таҳририятга келган кўлбазмалар тақриз
қилинмайди ва муаллифларга
қайтарилмайди.
© "XXI asr" дан олинган маълумотларга манба
сифатида газета номи кўрсатилиши шарт.
Муаллифлар фикри таҳририят нўқтаи
назаридан фарқ қилиши мумкин.
Газета таҳририят компьютер маъказида
теришти ҳамда дизайнёр
Маъруфжон Раҳмонов
томонидан саҳифаланди.



ISSN 2181-417X
НАШР КўРСАТИКЧИ: 406
12345
Навбатчи муҳаррир:
Беҳзод ИСРОИЛОВ.

Таҳрир хайъати:
Ақтам ХАИТОВ
Дилшод ШОУМАРОВ
Шухрат БАҒФОВ
Мавлуда ХУҲАЕВА

Сирожидин САЙИИД
Алдам ШОДМОҲОВ
Виктор ПАК
Насимжон АЛИМОВ

Фаррух ЖАББОРОВ
Бош муҳаррир
уринбосари